

XL CONCURSO INDUMENTARIA TRADICIONAL DOMINGO DE RAMOS

Juramukua iretecheri ixu Michoacani umpa’kukuarhu anapuecha, jimajkani uerhatini Urhejtsikuarhu Taparhintskua ka Kuparhintskua iamindu Úkata Úrichani, imani mindakua jimpo enjka jindeeka jarhoajpikua ka patsakua erhanhikua xukuparhakueri orheta anapu ireteecheri ixu imchoacani anapu, erhojtakuparini urhets’ikuk’a ka karakateri juramukuarhu enka jima p’íntakurhik’a miiukuarhu (32) enjka arhunktuarijka IV,VI,X,XI, XXI, XXIV ka XXVII, Juramukuarhu Urhakueri Tuminina lamintuecheri xu Michoacani anapu ka istu 15, 17 ka 22 sési úkua inchakurhini umpa’kukuarhu ka erhotakukuarhintskuarhu 1.4 ka 1.4.3 karakatarhu enjka jindeeka jurhimpikua xanharakua anchikuarhikueri umpa’rakuarhu anapu ka istu mindakua 5, 8, 11, 14, 15, 30 ka 36 karakata jurhamukua Marhoatakua Umparhakueri ixu Michoacani anapu.



P’ÍMARHPERAKUA:

Iámintu imani k’uiripuechani íni ireta anapuecha, Mazahua, Otomí, Nahuá, ka P’urhepecha enkaksi ixu Michoacani umpakuakuarhu irekaka enkatsí ísí tsípekua jatsiaka xérpini íni káskukua jimpo **XL (TSIMANI EKUATSI UKUARHIKUA) XUKUPARHAKUERI AMPE XARHATAKUA ENKA TEMPUCHAKUARHU JUKANHAAK’A KA UARHAKUARHU IXU JUCHARI UMPAKUAKUARHU,** enka imani jurhitekua úkurhiaka tsimani jurhiakua abrili kutsi inchamani íni uéxurhini jimpo, Huataperarhu Kopikua Morelusi jini inchakurhini k’éri ireta Urhuapani jimpo ixu Michoacani.

Uatakí inchaparhakuni kaskukuarhu arhisi nitamaparhini:

ARHISI AMBE:

UÉNANI JÁMANI. K’URIPUECHERI ENJKA UEKAKA INCHAPARHAKUNI.-

Uatikí inchaparhakuni iamindu k’uiripuecha iretecharhu xu michoacani anapu, Mazahua, Otomí, P’urhepecha ka Nahuá enkaksi no uárhini jaka ka útasí marhuatanhani jarhani.

TSIMANI ÚNI JÁMANI, XUKUPARAKUERI AMBE.-

Arhisi nitamaati:

- 1) Xukuparhakua k’uinchikua jimpo jukanhajka.
- 2) Xukuparhakua uarhakuecharhu jimpo jukanhajka
- 3) Xukuparhakua enjka mandani pauni jimpo jukanhajka.

Tsimantanikí úati inchaparhakuni ini antaperatarhu:

- 1) Uatikí inchaparhakuni sapícha témpeni uéxurini jatirika ka témpeni iúmu tsimani jamperi.
- 2) Uatikí inchaparhakuni Tumpicha ka k’ératicha enkaksi antakutakia témpeni iúmu tanimu uéxurhini jimpo uerátini.

TANIMU. ANTAKUA INTSÍMPERATA.-

Intspinhati jarhoajperhakua tumina ambe, taninta jimbo, ma uenani enjka santeru sési xukuparhaka, tsimantarhu jimbo ka tanintarhu, arisi:

Xukuparhakua k’uinchikuecharhu anapu

Tumpicheeri ka k’eratiicheri.

Ma uénani (sánteru sési jasi xukuparhakua)	\$15,000.00 (Quince mil pesos 00/100 M.N.)
Tsimanta úni jámani	\$10,000.00 (Diez mil pesos 00/100 M.N.)
Taninta úni jámani	\$8,000.00 (Ocho mil pesos 00/100 M.N.)

Xukuparhakua uarhakuarhu anapu

Tumpicheeri ka k’erhtiicheri.

Ma uénani (saanteru sesi jasi xukuparhakua)	\$15,000.00 (Quince mil pesos 00/100 M.N.)
Tsimanta uni jamani	\$10,000.00 (Diez mil pesos 00/100 M.N.)
Taninta uni jamani	\$8,000.00 (Ocho mil pesos 00/100 M.N.)

Xukuparhakua mandani pauani Jimpo jukanhajka

Tumpicheeri ka k’eratiicheri.

Ma uénani (santeru sesi jasi xukuparhakua)	\$10,000.00 (Diez mil pesos 00/100 M.N.)
Tsimanta uni jamani	\$8,000.00 (Ocho mil pesos 00/100 M.N.)
Taninta uni jamani	\$6,000.00 (Seis mil pesos 00/100 M.N.)

Xukuparhakua k’uinchikuecharhu anapu.

Sapicheeri ka tumpicheeri

Ma uénani (santeru sesi jasi xukuparhakua)	\$6,000.00 (Seis mil pesos 00/100 M.N.)
Tsimanta uni jamani	\$4,000.00 (Cuatro mil pesos 00/100 M.N.)
Taninta uni jamani	\$3,000.00 (Tres mil pesos 00/100 M.N.)

Xukuparhakua mantani pauni Jimpo juakanhajka

Sapicheeri ka tumpinocheeri

Ma uénani (santeru sesi jasi xukuparhakua)	\$6,000.00 (Ocho mil pesos 00/100 M.N.)
Tsimanta uni jamani	\$4,000.00 (Cinco mil pesos 00/100 M.N.)
Taninta uni jamani	\$3,000.00 (Cuatro mil pesos 00/100 M.N.)

Káskukua intsiparekuari lámentu íni antaperakueri intsimperanhant’ati, tsimani jurhiatekua abrili kutsi inchamani íni uéxurhini jimpo, ma atakuarhu jimpo jamani, Huataperarhu Kopikua Morelusi jini inchakurhini k’éri ireta Urhuapani jimpo ixu Michoacani.

Tuminakí intsínhant’aati lámentu antaricha enka inte antaperakua úkuarheaka karakata ma jinkuni enka arhini jauaka eskaksi inte mítenhantaxaka juramukua jimpo eskaksi inte inchaparhakuska intení antaperakuarhu.

T’AMU. KARAKUARIKUA INCHAMUKUNI JÁMANI.-

Ne enka uékaaka karakuarhini inchamukuni, úati nirani imani k’umanchekuarhu úkatecheri Huataperarhu Kopikua Morelusi jini inchakurhini k’éri ireta Urhuapani jimpo ixu Michoacani. Sábado jurhiatekua 01 abrili kutsi inchamani 2023 jimpo. 10:30 ueratiní ka 14:00 ka 16:00 ueratiní ka 20:00 jatini jimpo. Karakuarhikua ukuarhiati imani k’uiripuecha jinkoni enjaksi jima anchikuarhijka Secretaría del Estado de Michoacán, úraparini imani sirantani enjka únhtantaka (formato de inscripción).

Ejka karakuarhinhani ninhaka etarhisinti páni siranteechani:

Tumpicha ka sapírhaticha: Xiranta enka arhik’a na enka jatini antap’enuka ka tsimani p’ítakatechani ne enka karatsíkuntani jaka ka mítetarpentskua ma táate jémperi ka siranta ma enka arhini jaka eska sésekua íntskuxaka ka eska sésekua íntspexaka eska úaka p’ítakata ampe kánhani. (SECUM jatsiati imani sirantani úkuni) Enkaksi sirantechani exenhant’aakia, tátsekuakí sirantechani k’uanhaskukuantauati.

Umpa’kukuarhu anapuecha Isiksi erhaaparhixati ka úni patsani p’ítakateechani iamuntuecheri enjkaksi xani inchamukuaka antaperhakua santeru sési xukuparhakua ini p’imarhperhakua jimpo, ka etsakuatiksi iapurhu isi, jimajkani uetarhiati eska iamintuecha jatsinharikuaka sirantarhu jakankurhikua erhotakupani sésikua intspikua imeechani jurhamitichani ixu jucheri echerintu Michoacani.

Tumpicha ka k’ératicha: Mítetarpentskua p’ítakatechani máru jinkuni. Enkaksi exenhaakia eska sési jarhaska tátsekuakí intsínhant’aati imani sirantechani.

IÚMU ÚNI. AMPE ENKA JATSIKA JANHANHARHINHANI ÍNI ANTAPERAKUARHU.-

1.- Ima enkaksi karats’íkunt’aakaa intsinhantaatikí ma mítetarpekua ma enka arhini jauaka eskaksi karakorhetixakaia, ka inte imak’usí úati marhuatani ka jatsiani kámani jarhani enka intení antaperakua úkuarheaka. Ka enka ampe tsítaska, nóteru úatia intení antaperakuarhu jarhani.

2.- Secretaría Culturarhu anapu jarhoajpiati intspini t’írekua iamintuechani enjkaksi inchaparhakuaka ini antaperakuarhu imani jurhiakua 02 abrili 2023. K’uiripuecha ejkaksi inchaparhukuaka ini antaperatarhu jini anapu región oriente la región sierra Costarhu anapu jarhoauatikí k’umanchikua k’uikuarhu ka t’írekua jinkuni.

3.- Nóksi úati inchaparakuni:

- 3.1 Ima enkaksi tánani jámka xukuparhakua ampe.
- 3.2 Enkaksi kúnkorhekua uarharicheri kámka.

3.3 Ima enkaksi máteru uéxurhini antaka úatikí karakuarhentani, peruksi nóma tumina antaati.

3.4 Xukuparhakua antari enkaksi uexurhikua jimpo urhanhaka.

KUÍMU . AMPE ENKA UÉTARHEAKA KA AMPE ENKA XÁNI AMPE ERAKUNHAAKA.-

Erankunhati arini ambe eska na p’itarhaka imecheeri ireta jimpo anapu ampe.

1. ESKA NAMINTUUKA XUKUPARHAKUA. Eska xukuparhakua ímaeuaka enka na marhuatanhani jaka p’intekua jimpo.

2. UNHASKAKUA XUKUPARHAKUERI. Eska imani ampe jimpo úkateuaka eska ióntki na únhepka, takusí, sirikuakua, ípirakua, sunundeerí ambe.

3. SESI PATSAKATA UKUPARHAKUA. Eska iontki anapu xukuparhakua sési xarharaaka ka enjka takusí ukateuaka eska majku jasiuaka.

4. UJKUKUA XUKUPARHAKUERI. Ka no úati jukanhani takusí enka mereak’a o enka tiámu ampe jukaraka.

5. ERANHIKUA MÁJKU XANHARAKUA. Eska ístu jarhajtí maojtakukuarikua materu jasi eranhikua xukuparhakueri, jiokuarhinhati xukuparhakua íasi anapu, joperu no jiakuarhinhati imani ambe enjka no íretarhu anapúaka.

IÚMU TSIMANI. NANI ENKA ÚKUARHEKA ANTAPERAKUA

Iámentuksí ima enka karatsíntaaka jatsiatikí Domingu jurhiateku tsimani jurhiatekua abrili kutsi inchamani 2023 jimpo. 7:30 jini “Biblioteca Pública Justo Sierra” enjka kopikuarhu Ranita Urhuapani Michoacani, iamintuecha xukuntatini ninhati

Exejperakua iamindu k’uiripuechani ka istu tumina intsperhakua antakata, ukuarhiati jimajkani jatini 13:00 jini Huataperarhu Kopikua Morelusi jini inchakurhini k’éri ireta Urhuapani jimpo ixu Michoacani.

Enka k’amarakuarheakia xarhatakua ima enkaksi inchaparhakuaka intení antaperakuarhu sítakí ma íntsinhantaati enka arhini jauaka eskaksi inte íni antaperakuarhu jarhaska ka jima uantanhantantaati nésí antari ka imaksi p’íuati intsímperatani.

IÚMU TANIMU. NESÍ ERANKUNI JAUÁ ÍNI ANTAPERAKUANI

Ima enkaksi exeni jauaka ka erankuni jarhani íni antaperakuani, achamasí ka uarhimasícheuatikí enkaksi janhanharhikateka ka enkaksi míteka xukuparhakueri ampe ka sésikí erakunhantaati ka ima k’uiripuechaksi jatsisti xarhatanhani néskikí enkaksi uantantani jauka na enkaksi ima erankuntaka ka néksisí eraku enka sánteru sési ampe kép’aka ka antani. Ka intecheri uantakua no úati mó’t’anhani.

IÚMU T’ÁMU. MÁTERU AMPE.-

1. Enka karakuarhenhantaakí imaksi jíókuarhexati lámentu ampe enka íni káskukaurhu arhinin jaka.

2. lámentu ampe enka no jaiapanhenhantaaka ka enka ixu no arhini jaka ini P’imarhperatarhu, sési ka eratsekua jinkuniakí sési péraanhaati achamasíchani ka uarhimasíchani jimpo enkaksi enkaksi íni antaperakuani exeni jauaka nésí anta ka imechani jinkuni enkaksi íni antaperakuani úni jaka.

3. Ka enka uétarheaka sánteru ampe míteni uákats’ini uantani: 443 3228900 ext. 127 Enka mántani P’íntarhekuechani jinkuni uantap’erani jarhak’a enka Jurakueka úkatecheri ampe ka uákats’i karani: indumentariamichoacan@gmail.com

Morelia, Michoacani 10 Marsu inchamani 2023 jimpo.